

四庫全書

集部

欽定四庫全書

御定全唐詩卷三百九十五

劉叉

劉叉元和時人少任俠因酒殺人亡命會救出更折節讀書能為歌詩聞韓愈接天下士步歸之作冰柱雪車二詩後以爭語不能下賓客因持愈金數斤去曰此諛墓中人得耳不若與劉君為壽遂行歸齊魯不知所終詩一卷

冰柱

師于久不息農為兵今民重嗟騷然縣字

一作
宇縣

土崩水

潰畹中無熟穀壠上無桑麻王春判序百卉茁甲含葩
有客避兵奔遊僻跋履險阨至三巴貂裘蒙茸已敝縷
鬢髮蓬鬆雀驚鼠伏寧遑安處獨卧旅舍無好夢更堪
走風沙天人一夜剪瑛瑤詰旦都成六出花南畝未盈
尺纖片亂舞空紛拏旋落旋逐朝一作
晴暉化簷間冰柱
若削出交加或低或昂小大瑩潔隨勢無等差始疑玉

龍下界來人世齊向茅簷布爪牙又疑漢高帝西方未

一作

斬蛇人不識誰為當風杖

一作空非

莫邪鏗鏜

一作鏘鏗冰

有韻的皜玉無瑕不為四時雨徒於道路成泥粗不為

九江浪徒為汨沒天之涯不為雙井水滿甌泛泛烹春

茶不為中山漿清新馥

一作撲

鼻盈百車不為池與沼養

魚種芟成靈寢不為醴泉與甘露使名異瑞世俗誇特

稟朝澈氣潔然自許靡間其邇遐森然氣結一千里滴

瀝聲沈十萬家明也雖小暗之大不可遮勿

一作物被曲

瓦直下不能抑羣邪奈

一作抑

何時逼不得時在我目中

條然漂去無餘些自是成毀任天理天於此物豈宜有
忒賒反令井蛙壁蟲變容易背人縮首競呀呀我願天
子回造化藏之韞櫝翫之生光華

雪車

臘令凝締三十日續紛密雪一復一孰云潤澤在枯荻
闌闌餓民凍欲死死中猶被豺狼食官車初還城壘未
完備人家千里無烟火

一作

雞犬何太怨天不卹吾甍

如何連夜瑤花亂皎潔既同君子節沾濡多著小人面

寒鏢侯門見客稀色迷塞路行商斷小小細細如塵間

輕輕緩緩如樸藪

一作樸藪

官家不知民餒

一作凍

寒盡驅牛

車盈道載屑玉載載欲何之祕藏深宮以禦炎酷徒能

自衛九重間豈信車轍血點點盡是農夫哭刀兵殘喪

後滿野誰為載白骨遠戍久乏糧太倉誰為運紅粟戎

夫尚逆命扁箱鹿角誰為敵士夫困征討買花載酒誰

為適天子端然少旁求股肱耳目皆姦慝依違用事佞

上方猶驅餓民運造化防暑厄吾聞躬耕南畝舜之聖
為民吞蝗唐之德未聞墮孽苦蒼生相羣相黨上下為
蝨賊廟堂食祿不自慙我為斯民歎息還歎息

修養

損神終日談虛空不必

一作必不

歸命于胎中我神不西亦

不東烟收雲散何濛濛嘗令體如微

一作冷出

微風綿綿不

斷道自冲世人逢一不逢一一回存想一回出只知一

切望一切不覺一日損一日勸君修真復識真

一作真修世

上道人多忤一作人披圖醮錄益亂神此法那能堅此
誤
身心田自有靈地珍惜哉自有不自親明真泪沒隨埃
塵

勿執古寄韓潮州

古人皆執古不辭凍餓悲今人亦執古自取行坐危老
菊凌霜葩獐松抱雪姿武王亦至明寧哀首陽飢仲尼
豈非聖但為互鄉嗤寸心生萬路今古棼若絲遂逐行
不盡茫茫休者誰來恨不可遏去悔何足追玉石共笑

唾駑驥相奔馳請君勿執古執古徒自墮

答孟東野

酸寒孟夫子苦愛老又詩生澀有百篇謂是瓊瑤辭百
篇非所長憂來豁窮悲唯有剛腸鐵百鍊不柔虧退之
何可罵東野何可欺文王已云沒誰顧好爵縻生死守
一丘寧計飽與飢萬事付杯酒從人笑狂癡

自古無長生勸姚合酒

一本作勸
楊勉酒

奉子一杯酒為子照顏色但願腮上紅莫管頰下白白

古無長生生者何戚戚登山勿厭高四望都無極丘隴
逐日多天地為我窄祇見李耳書對之一作空脈脈何為我

曾見天上著得劉安宅若問一作長生人昭昭孔聖一作

孟籍

獨飲

盡欲調太羹自古無好手所以山中人兀兀但飲酒

作詩

作詩無知音作不如不作未逢麋載人此道終一作長一作寂

寔有虞今已歿

一作矣

來者誰為託
朗詠豁心胸
筆與淚

俱落

天津橋

洛陽宮闕照天地
四面山川無毒氣
誰令漢祖都秦闕
從此姦雄轉相熾

嘲荆卿

白虹千里氣血頭
一劍義報恩不到
頭徒作輕生士

一作

事

代牛言

渴飲潁水流，餓喘吳門月。黃金如可種，我力終不竭。

一作

歇

莫問卜

莫問卜，人生吉凶皆自速。伏羲文王若無死，今人不為

古人哭。

觀八駿圖

穆王八駿走不歇，海外去尋長。日月五雲望斷阿母宮。

歸來落得新白髮

經戰地

殺氣不上天陰風吹血雨冤魂不入地
髑髏哭沙月人命固有常此地何天折

野哭

棘針生獍義路閒野泉相吊聲潺潺
哀哉異教溺頽俗淳源一去何時還

古怨

君莫嫌醜婦醜婦死守貞山頭一怪石長作望夫名鳥
有並翼飛獸有比肩行丈夫不立義豈如鳥獸情

烈士一作女詠

烈士一作女或一作不愛金愛金不為貧義死天一作人亦許

利生鬼一作天亦嗔胡為輕薄兒使酒殺平人

狂夫

大妻唱舜歌小妻鼓湘瑟狂夫遊冶歸端坐仍作色不
讀關雎篇安知后妃德

餓詠

文王久不出賢士如土賤妻孥從餓死敢愛黃金象

自問

自問彭城子何人授汝顛酒腸寬似海詩膽大於天斷
劍徒勞匣枯琴無復弦相逢不多一作得合賴是向林泉

一作類手
響秋泉

入蜀

望空問真宰此路為誰開峽色侵天去江聲滾地來孔

明深有意鍾會亦何才信此非人事悲歌付一杯

塞上逢盧仝

直到桑乾北逢君夜不眠上樓腰脚健懷土眼睛穿斗

柄寒垂地河流

一作黃河

凍徹天

一作河源冷接天

羈魂泣相向何

事有詩篇

偶書

日出扶桑一丈高人間萬事細如毛野夫怒見不平處

事

一作

磨損

一作盡

胸中萬古刀

愛碣山石

碣石何青青挽我雙眼睛愛爾多古峭不到人間行

與孟東野

寒衣草木皮飢飯葵藿一作食根不為孟夫子豈識市

井門

姚秀才愛予小劍因贈

一條古時一作萬古水向我手心一作胸中流臨行瀉一作解贈君

勿薄

一作報
又作臨細碎讐

老恨

雪

一作風

打杉松

一作雪

殘補書書不完
嬾學渭上翁辛苦

把釣

一作持竹竿

御定全唐詩卷三百九十五

欽定四庫全書

御定全唐詩卷三百九十六

元稹

元稹字微之河南河內人幼孤母鄭賢而文親授書傳
舉明經書判入等補校書郎元和初應制策第一除左
拾遺歷監察御史坐事貶江陵士曹參軍徙通州司馬
自虢州長史徵為膳部員外郎拜祠部郎中知制誥召
入翰林為中書舍人承旨學士進工部侍郎同平章事

未幾罷相出為同州刺史改越州刺史兼御史大夫浙東觀察使太和初入為尚書左丞檢校戶部尚書兼鄂州刺史武昌軍節度使年五十三卒贈尚書右僕射積自少與白居易倡和當時言詩者稱元白號為元和體其集與居易同名長慶今編詩二十八卷

思歸樂

山中

一作
我作

思歸樂盡作思歸鳴爾是此山鳥安得失鄉

名應緣此山路

一作
寄跡

自古離人征陰愁感和氣俾爾從

此生我雖失鄉去我無

一作不

失鄉情慘舒在方寸寵辱

將何驚浮生居大塊尋丈可寄形

一作身

身安即形樂豈

獨樂咸京命者道之本死者天之平安問遠與近何言

殤與彭君看趙工部八十支體輕交州二十載一到作

始對長安城長安不須更復作交州行交州又累歲移鎮

廣與荆

一作移鎮
值江陵

歸朝新天子濟濟為上卿肌膚無瘡

色飲食康且寧長安一晝夜死者如賈星喪車四門出

何闕炎瘴縈況我三十二

一作餘

百年

一作年來

未半程江陵

道塗近楚俗雲水清遐想玉泉寺久聞峴山

一作久亭
欲登斯

此去畫綿歷豈無心賞并紅餐日充腹碧澗朝析醒開

門一作
釀酒待賓客寄書安弟兄閒窮四聲韻悶閱九部經

身外皆委順一作無
所求眼前隨所營此意久已定誰能求

苟榮所以官甚小不畏權一作朝
野已勢傾傾心豈不易巧

詐神之刑萬物有本性況復人性一作
至靈金埋無土色

玉墜無瓦聲劒折有寸利鏡破有片明我可俘為囚我

可刃為兵我心終不死金石貫以誠此誠患不至

一作
立

誠至

一作雖困

道亦亨微哉滿山鳥叫噪何足聽

春鳩

春鳩與百舌音響詎同年如何一時語俱得春風憐猶

知化工

一作造物

意當春不生蟬免教爭叫噪沸渭桃花前

春蟬

我自東歸日厭苦春鳩聲作詩憐化工不遣春蟬生及
來高山道山深氣不平春秋兩相似蟲豸百種鳴風松
不成韻蝸蟾沸如羹豈無朝陽鳳羞與微物爭安得天

上雨奔渾河海傾蕩滌反時氣然後好晴明

兔絲

人生莫依倚依倚事不成君看兔絲蔓依倚榛與荆荆
榛易蒙密百鳥撩亂鳴下有狐兔穴奔走亦縱橫樵童
斫將去柔蔓與之并翳薈生可恥束縛死無名桂樹月
中出珊瑚石上生俊鶻度海食應龍升天行靈物本特
達不復相纏縈纏縈竟何者荆棘與飛莖

古社

古社基趾在人散社不神惟有空心樹妖狐藏魅人狐
惑意顛倒臊腥不復聞丘墳變城郭花草仍荆榛良田
千萬頃占作天荒田主人議芟斫怪見不敢前邪言空
山燒夜隨風馬一作長奔飛一作壯聲鼓鞞震高蹀旗幟翻
逡巡荆棘盡狐兔無子孫狐死魅人滅煙消壇墀存繞
壇舊田地給授有等倫農收邨落盛社樹新團圓社公
千萬歲永保邨中民

松樹

華山高幢幢

一作幢幢

上有高高松株株遙各各葉葉相重

重槐樹夾道植枝葉俱冥蒙既無貞直幹復有胃挂蟲

何不種松樹使

一作種

之搖清風秦時已曾種顛顛種不

供可憐孤松意不與槐樹同閒在高山頂摻盤蚪與龍
屈為大厦棟庇蔭侯與公不肯作行伍俱在塵土中

芳樹

芳樹已寥落孤英尤可嘉可憐團團

一作團團

葉蓋覆深深

花遊蠶競鑽刺鬪雀亦紛拏天生細碎物不愛好光華

非無殲殄法念爾有生涯春雷一聲發驚燕亦驚蛇清
池養神蔡已復長蝦蟆雨露貴平施吾其春草芽

桐花

隴月上山館紫桐垂好陰可惜暗澹色無人知此心舜
沒蒼梧野鳳歸丹穴岑遺落在人世光華那復深年年
怨春意不競桃杏林唯占清明後牡丹還復侵況此空
館閉云誰恣幽尋徒煩鳥噪集不語山嶽岑滿院青苔
地一樹蓮花簪自開還自落暗芳終暗沈爾生不得所

我願裁為琴安置君王側調和元首音安問宮徵角先
辨雅鄭淫宮弦春以君君若春日臨商弦庶以臣臣作
早天霖人安角聲暢人困闕不任羽以類萬物祇物神
不歆徵以節百事奉事罔不欽五者苟不亂天命乃可
忱君若問孝理彈作梁山吟君若事宗廟拊以和球琳
君若不好諫願獻觸疏箴君若不罷獵請聽荒于禽君
若侈臺殿雍門可霑襟君若傲賢雋鹿鳴有食苓君聞
祈招什車馬勿駸駸君若欲敗度中有式如金君聞熏

風操志氣在愔愔中有阜財語勿受來獻賕北里當絕
聽禍莫大於姪南風苟不競無往遺之擒姦聲不入耳
巧言寧孔壬臬音亦云革安得沴與稔天子既穆穆羣
材亦森森劔士還農野絲人歸織紅丹鳳巢阿閣文魚
游碧潯和氣浹寰海易若漑蹄泮改張乃可鼓此語無
古今非琴獨能爾事有諭因鍼感爾桐花意閒怨杳難
禁待我持斤斧置君為大琛

雉媒

雙雉在野時可憐同嗜欲毛衣前後成一種文章足一
雉獨先飛衝開芳草綠網羅幽草中暗被潛羈束剪刀
摧六翮絲線縫雙目啖養能幾時依然已馴熟都無舊
性靈返與他心腹置在芳草中翻令誘同族前時相失
者思君意彌篤朝朝舊處飛往往巢邊哭今朝樹上啼
哀音斷還續遠見爾文章知君草中伏和鳴忽相召鼓
翅遙相矚畏我未肯來又啄翳前粟飲翻遠投君飛馳
勢奔感胃挂在君前向君聲促促信君決無疑不道君

相覆自恨飛太高疎羅偶然觸看看架上鷹擬食無罪
肉君意定何如依舊雕籠宿

箭鏃

箭鏃本求利淬礪良甚難礪將何所用礪以射凶殘不
礪射不入不射人不安為盜即當射寧問私與官夜射
官中盜中之血闌干帶箭君前訴君王悄不歡頃曾為
盜者百箭中心攢競將兒女淚滴瀝助心酸君王責良
帥此禍誰為端帥言發礪罪不使刃稍利君王不忍殺

逐之如迸丸仍令後來箭盡可頭團團發劓去雖遠礪
鏃心不闌會射蛟螭盡舟行無惡瀾

賽神

邨落事妖神林木大如邨事來三十載巫覡傳子孫邨
中四時祭殺盡一作殺雞與豚主人不堪命積燎曾欲燔

旋風天地轉急雨江河翻採薪持斧者棄斧縱橫奔山
深多掩暎僅免鯨鯢吞主人集鄰里各各持酒罇廟中
再三拜願得禾稼存去年大巫死小覡又妖言邑中神

明宰有意效西門焚除計未決伺者迭乘軒廟深荆棘
厚但見狐兔蹲巫言小神變可驗牛馬蕃邑吏齊進說
幸勿禍鄉原踰年計不定縣聽良亦煩涉夏祭時至因
令修四垣憂虞神憤恨玉帛意彌敦我來神廟下簫鼓
正喧喧因言遣妖術滅絕由本根主人中罷舞許我重
疊論蜉蝣生溼處鷓鴣集黃昏主人邪心起氣燄日夜
繁狐狸得蹊徑潛穴主人園腥臊襲左右然後託丘樊
歲深樹成就曲直可輪轅幽妖盡依倚萬怪之所屯主

人一心好四面無籬藩命樵執斤斧怪木寧遷駭主人
且傾聽再為諭清渾阿膠在末派固象游上源靈藥送
巡盡黑波朝夕噴神龍厭流濁先伐鼉與龜鼉在龍
穴妖氣常鬱温主人惡淫祀先去邪與昏昏邪中人意
盡禍蝕精魂德勝妖不作勢強威亦尊計窮然後賽後
賽復何思

大嘴烏

陽烏有二類皆白者名慈求食哺慈母因以此名之飲

啄頗廉儉音響亦柔雌百巢同一樹棲宿不復疑得食
先反哺一身常苦羸緣知五常性翻被衆禽欺其一喙
大者攫搏性貪癡有力強如鷲有爪利如錐音聲甚吠
啣潛通妖怪詞受日餘光庇終天無死期翱翔富人屋
棲息屋前枝巫言此鳥至財產日豐宜主人一心惑誘
引不知疲轉見鳥來集自言家轉孳白鶴門外養花鷹
架上維專聽鳥喜怒信受若神龜舉家同此意彈射不
復施往往清池側却令鸕鷀隨羣鳥飽梁肉毛羽色澤

滋遠近恣所往貪殘無不為巢禽攫雛卵廐馬啄瘡瘕
滲瀝脂膏盡鳳皇那得知主人一朝病爭向屋檐窺吻
嗚呼羣鵬翩翩集怪鴟主人偏養者嘯聚最奔馳夜半
仍驚噪鶴鷗逐老狸主人病心怯燈火夜深移左右雖
無語奄然皆淚垂平明天出日陰魅走參差烏來屋檐
上又惑主人兒兒即富家業玩好方愛竒占募能言鳥
置者許高貨隴樹巢鸚鵡言語好光儀美人傾心獻雕
籠身自持求者臨軒坐置在白玉墀先問鳥中苦便言

烏若斯衆鳥齊搏鑠翠羽幾離披遠擲千餘里美人情
亦哀舉家慙此患事烏踰昔時向言池上鷺啄肉寢其
皮夜漏天終曉陰雲風定吹況爾烏何者數極不知危
會結彌天網盡取一無遺常令阿閣上宛宛宿長離

分水嶺

崔嵬分水嶺高下與雲平上有分流水東西隨勢傾朝
同一源出暮隔千里情風雨各自異波瀾相背驚勢高
競奔注勢曲已回縈偶值當途石蹙縮又縱橫有時遭

孔穴變作鳴咽聲褊淺無所用奔波奚所營團團井中
水不復東西征上應美人意中涵孤月明旋風四面起
井深波不生堅冰一時合井深凍不成終年汲引絕不
耗復不盈五月金石鑠既寒亦既清易時不易性改邑
不改名定如拱北極瑩若燒玉英君門客如水日夜隨
勢行君看守心者井水為君盟

四皓廟

巢由昔避世堯舜不得臣伊呂雖急病湯武乃可君四

賢胡為者千載名氛氲顯晦有遺迹前後疑不倫秦政
虐天下黷武窮生民諸侯戰必死壯士眉亦頰張良韓
孺子推碎屬車輪遂令英雄意日夜思報秦先生相將
去不復嬰世塵雲卷在孤岫龍潛為小鱗秦王轉無道
諫者鼎鑊親茅焦脫衣諫先生無一言趙高殺二世先
生如不聞劉項取天下先生游白雲海內八年戰先生
全一身漢業日已定先生名亦振不得為濟世宜哉為
隱淪如何一朝起屈作儲貳賓安存孝惠帝摧頽戚夫

人舍大以謀細刺盤而螻伸惠帝竟不嗣呂氏禍有因
雖懷安劉志未若周與陳皆落子房術先生道何屯出
處貴明白故吾今有云

御定全唐詩卷三百九十六

欽定四庫全書

御定全唐詩卷三百九十七

元稹

青雲驛

岩窈青雲嶺下有千仞谿
裴回不可上人倦馬亦嘶
願登青雲路若望丹霞梯
謂言青雲驛繡戶芙蓉閨
謂言青雲騎玉勒黃金蹄
謂言青雲具珣璉一作雜并象犀謂

言青雲吏的的顏如珪
懷此青雲望安能復久稽
一作樓

攀援

一作路途

信不易風雨正淒淒已怪杜鵑鳥先來山下

啼纔及青雲驛

一作歸家塵霧暗

忽遇蓬蒿妻延我開華戶鑿

竇宛如圭逡巡吏來謁

一作來叙別

頭白顏色鰥饋食頻叫

噪假器仍乞醯嚮時延我者共拾

一作拾

藿與藜乘我牂

牂馬蒙茸大如羝悔為青雲意此意良嗟臍昔游蜀門

一本缺一作闕

下有驛名青泥聞名意慘愴若墜牢與狂雲泥

異所稱人物一以齊復聞闔闔上下視日月低銀城藥

珠殿玉版金字題大帝直南北羣仙侍東西龍虎儼隊

仗雷霆轟鼓擊元君理庭內左右桃花蹊丹霞爛成綺

景

一作素

雲輕若綈天池光濼濼瑤草綠萋萋衆真千萬

輩柔顏盡如羨手持鳳尾扇頭戴翠羽笄雲韶互鏗戛

霞服相提攜雙雙發皓齒各各揚輕袿天祚樂未極溟

波浩無隄穢賤靈所惡安肯問黔黎桑田變成海寓縣

烹為蜃虛皇不願見雲霧重重翳大帝安可夢閭闔何

由躋靈物可見者願以諭端倪蟲蛇吐雲氣妖氛變虹

蛻獲麟書諸冊豢龍醢為鸞鳳皇占梧桐叢雜百鳥棲

野鶴啄腥蟲貪餐不如雞山鹿藏窟穴虎豹吞其羸靈

物比

一作此

靈境冠履寧甚睽道勝即為樂何慙居稗穉

金張好車馬於陵親灌畦在梁或在火不變玉與鵲上天勿行行潛穴勿悽悽吟此青雲諭達觀終不迷

陽城驛

商有陽城驛名同陽道州陽公沒已久感我淚交流昔公孝父母行與曾閔倚既孤善兄弟兄弟和且柔一夕不相見若懷三歲憂遂誓不婚娶沒齒同衾裊妹夫死

他縣遺骨無人收公令季弟往公與仲弟留相別竟不
得三人同遠遊共負他鄉骨歸來藏故丘棲遲居夏邑
邑人無苟媮里中競長短來問劣與優官刑一朝恥公
短終身羞公亦不遺布人自不盜牛問公何能一作德爾

忠信先自修發言當道理不顧黨與警聲香漸翕習冠
蓋若雲浮少者從公學老者從公遊往來相告報縣尹
與公侯名落公卿口湧如波薦一作數萬舟天子得聞之書

下再三求書中願一見不異旱地一作呈天虬何以持為聘

束帛藉琳球何以持為御駟馬駕安輶公方伯夷

一作云自

擬

操事殷不事周我寶唐士庶食唐之田疇我聞天子

憶安敢專自由來為諫大夫朝夕侍冕旒希夷惇薄俗

密勿獻良籌神醫不言術人瘼曾暗瘳月請諫官俸諸

弟相對謀皆曰親戚外酒散目前愁公云不有爾安得

此嘉猷施餘盡酌酒客來相獻酬日吁不謀食春深仍

弊表人心良戚戚我樂獨由由

一作油油

貞元歲云暮朝有

曲如鉤風波勢奔蹙日月光綢繆齒牙屬為搢禾黍暗

生蟲豈無司言者肉食吞其喉豈無司搏者利柄扼其

一作如

韞鼻復勢氣塞不得辨薰猶公雖未顯諫惴惴如

患溜飛章八九上皆若珠暗投炎炎日將熾積燎無人
抽公乃帥其屬決諫同報仇延英殿門外叩閤仍叩頭
且曰事不止臣諫誓不休上知不可遏命以美語酬降
官司成署俾之為贅疣姦心不快活擊刺礪戈矛終為
道州去天道竟悠悠遂令不言者反以言為訛喉舌坐
成木鷹鷂化為鳩避權如避虎冠豸如冠猴平生附我

者詩人稱好逌私來一執手恐若墜諸溝送我不出戶
洩我不回眸唯有太學生各具糧與糒咸言公去矣我
亦去荒陬公與諸生別步步駐行騶有生不可設行行
過閩甌為師得如此得為賢者不道州聞公來鼓舞歌
且謳昔公居夏邑狎人如狎鷗況自為刺史豈復援鼓
桴滋章一時罷教化天下適炎瘴不得老英華忽已秋
有鳥嗷揚震無兒悲鄧攸唯餘門弟子列樹松與楸今
來過此驛若弔汨羅洲祠曹諱羊祜此驛何不侔我願

避公諱名為避賢郵此名有深意蔽賢天所尤吾聞玄
元教日月冥九幽幽陰蔽翳者永為幽翳

一作陰囚

苦雨

江瘴氣候惡庭空田地蕪煩昏一日內陰暗三四殊巢
燕污牀席蒼蠅點肌膚不足生詬怒但苦寡歡娛夜來
稍清晏放體階前呼未飽風月思已為蚊蚋圖我受簪
組身我生天地爐炎蒸安敢勸蟲豸何時無凌晨坐堂
廡努力泥中趨官家事不了尤悔亦可虞門外竹橋折

馬驚不敢踰回頭命僮御向我色踟躕自顧方獲落安
能相詰誅隱忍心憤恨翻為聲煦愉逡巡崔嵬日杲曜
東南隅已復雲蔽翳不使及泥塗良農盡蒲葦厚地積
潢污三光不得照萬物何由蘇安得飛廉車磔裂雲將
軀又提精一作旌陽劒蛟螭支節屠陰沴皆電埽幽妖亦
雷驅煌煌啓闔闔軋軋掉乾樞東西生日月晝夜如轉
珠百川朝巨海六龍踞亨衢此意倍寥廓時來本須臾
今也泥鴻洞龜鼉真得途

種竹 并序

昔樂天贈予詩云無波古井水有節秋竹竿予秋

來種竹廳下因而有懷聊書十韻

昔公憐我

一作有

直比之秋竹竿秋來苦相憶種竹廳前

看失地顏色改傷根枝葉殘清風猶淅淅高節空團團
鳴蟬聒暮景跳蛙集幽闌塵土復晝夜梢雲良獨難丹
丘信云遠安得臨仙壇瘴江冬草綠何人驚歲寒可憐
亭亭幹一一青琅玕孤鳳竟不至坐傷時節闌

和樂天贈樊著作

君為著作詩志激詞且溫璨然光揚者皆以義烈聞千
慮竟一失冰玉不斷痕謬予頑不肖列在數子間因君
譏史氏我亦能具陳義黃渺云遠載籍無遺文煌煌二
帝道鋪設在典墳堯心惟舜會因著為話言皋夔益稷
禹粗得無間然緬然千載後後聖曰孔宣迥知皇王意
綴書為百篇是時游夏輩不敢措舌端信哉作遺訓職
在聖與賢如何至近古史氏為閒官但令識字者竊美

刀筆權由心書曲直不使當世觀貽之千萬代疑信相
竝傳人人異所見各各私所偏以是曰褒貶不如都無
焉況乃大夫志用捨貴當年顧予一作願子有微尚願以出

處論出非利吾已其出貴道全全道豈虛設道全當及
人全則富與壽虧則饑與寒遂我一身逸不如萬物安
解懸不澤手拯溺無折旋神哉伊尹心可以冠古先其
次有獨善善已不善民天地為一物死生為一源合雜
分萬變忽若風中塵抗哉巢由志堯舜不可遷捨此二

者外安用名為賓持謝著書郎愚不願有云

和樂天感鶴

我有所愛鶴毛羽霜雪妍秋霄一滴露聲聞林外天自
隨衛侯去遂入大夫軒雲貌久已隔玉音無復傳吟君
感鶴操不覺心惕然無乃予所愛誤為微物遷因茲諭
直質未免柔細牽君看孤松樹左右蘿蒿纏既可習為
飽亦可薰為荃期君常善救勿令終棄捐

諭寶二首

沈玉在弱泥泥弱玉易沈扶桑寒日薄不照萬丈心安
得潛淵虬拔壑超鄧林泥封泰山吐水散旱天霖洗此
泥下玉照耀臺殿深刻為傳國寶神器人不侵

冰置白玉壺始見清皎潔珠穿殷紅縷始見明洞徹
鑊無入淬兩刃幽壤鐵秦鏡無人拭一片埋霧月驥跼

環堵中骨附筋入節虬蟠尺澤內魚貫一作衆蛙同穴餘

艸無巨海浮浮矜澆滴棟梁無廣廈顛倒卧霜雪大鵬
無長空舉翮受羈絛豫樟無厚地危抵真碗脆圭璧無

卞和甘與頑石列舜禹無陶堯名隨腐草滅神功伏神
物神物神乃別神人不世出所以神功絕神物豈徒然
用之乃一作施設禹功九州理舜德天下悅辟充傳國

璽

一作辟用
充傳璽

圭用祈太折千尋豫樟幹九萬大鵬歇棟

梁庇生民餘艤濟來哲虬騰旱天雨驥騁流電掣鏡懸
姦膽露劔拂妖蛇裂珠玉照乘光冰瑩環坐熱此物比
在泥斯言為誰發於今盡凡耳不為君不一作說

說劔

吾友有寶劍密之如密友我實膠漆交中堂共杯酒酒

酣肝膽露恨不眼前剖高唱荆卿歌亂擊相如缶更擊

復更唱更酌

一作舞

亦更壽白虹坐上飛青蛇匣中吼我

聞音響異疑是干將偶

一作闕

為君再拜言神物可見不

君言我所重我自為君取迎篋已焚香近靴先澤手徐

抽寸寸刃漸屈彎彎肘殺殺霜在鋒團團月臨紐逡巡

潛虯躍鬱律驚左右霆電滿室光蛟龍繞身

一作逐奮

走我

為捧之泣此劍別來久

一作何人為鑄

鑄時近

一作董

山

破藏在松桂朽幽匣

一作質

獄底

一作中

埋神人水心守本

是稽泥

一作泥稽

淬果非雷煥有我欲評劍功願君良聽受

劍可刺犀兕劍可切瓊玖劍凌天外雲劍衝日中斗劍

隳妖蛇腹劍拂佞臣首太古初斷鼉武王親擊紂燕丹

卷地圖陳平綰花綬曾被桂樹枝寒光射林藪

一作莽

曾

經鑄農器利用翦稂莠神物終變化復為龍牝牡晉末

武庫燒脫然排戶牖為欲埽羣胡散作彌天帚自茲失

所往豪英共為詒

音苟

今復誰人鑄挺然千載後既非古

風胡一作壺

無乃近鴟九自我與君遊平生益自負況擘

寶劍出重以雄心扣此劍何太奇此心何太厚勸君慎

所用一作寶

所用無或苟潛將辟魑魅勿但防一作驚妾婦

留斬泓下蛟莫試街中狗君一作古

今困泥滓我亦望塵

垢俗耳驚大言逢人少開口

書異

孟冬初寒月渚澤蒲尚青飄蕭北風起皓雪紛滿庭行
過冬至後凍閉萬物零奔渾馳暴雨驟鼓轟雷霆傳云

不終日通宵曾莫停瘴雲愁拂地急雷疑注鉅洶湧黃
潦濁噴薄鯨鯢腥跳趨井蛙喜突兀水怪形飛蚋奔不
死脩蛇蟄再醒應龍非時出無乃歲不寧吾聞陰陽戶
啓閉各有局後時無肅殺廢職乃玄冥坐配五天帝薦
用百品珍權為祝融奪神其焉得靈春秋雷電異則必
書諸經仲冬雷雨苦願省蒙蔽刑

和樂天折劍頭

聞君得折劍一片雄心起詭意鐵蛟龍潛在延津水風

雲會

一作
劍

一合呼吸期萬里雷震山嶽碎電斬鯨鯢死

莫但寶劍頭非此比

御定全唐詩卷三百九十七

欽定四庫全書

御定全唐詩卷三百九十八

元稹

松鶴

渚宮本坳下佛廟有臺閣臺下三四松低昂勢前却是
時晴景麗松梢殘雪薄日色相玲瓏纖雲映羅幕逡巡
九霄外似振風中鐸漸見尺帛光孤飛唳空鶴裴回耀
霜雪顧慕下寥廓踴動樛盤枝龍蛇互跳躍俯瞰九江

水旁瞻萬里壑無心盼烏鳶有字悲城郭清角已沉絕
虞韶亦冥冥鳶翻勿重留幸及釣天作

競渡

吾觀競舟子因測大競源天地昔將競蓬勃晝夜昏龍
蛇相嗔薄海岱俱崩奔羣動皆攪撓化為流渾渾數極
鬪心息太和蒸混元一氣忽為二轟然晝乾坤日月復
照耀春秋遞寒溫八荒坦以曠萬物羅一作亦繁聖人
中間立理世了不煩延綿復幾歲逮及義與軒炎皇熾

如炭蚩尤扇其燔有熊競心起驅獸出林樊一戰波委
燄再戰火燎原戰訖天下定號之為軒轅自是豈無競
瑣細不復言其次有龍競競渡龍之門龍門浚如瀉淙
射不可援赤鱗化時至唐突鱗鬣掀垂風瞥然去萬里
黃河翻接瞬電烜出微吟霹靂喧傍瞻曠宇宙俯瞰卑
崑崙庶類咸在下九霄行易捫倏辭蛙黽穴遽一作排
天帝閭迴悲曝鰓者未免鯨鯢吞帝命澤諸夏不棄蟲
與昆隨時布膏露稱物施厚恩草木霑我潤豚魚望我

蕃嚮來同競輩豈料由我存壯哉龍競渡一競身獨尊
捨此皆蟻鬪競舟何足論

寺院新竹

寶地琉璃坼紫苞琅玕踴亭亭巧於削一一大如拱冰
碧林外寒峯巒眼前聳槎枒矛戟合屹屹龍蛇動煙泛
翠光流歲餘霜彩重風朝竿籟過雨夜鬼神恐佳色有
鮮妍脩莖無擁腫節高迷玉鏃穉綴疑花捧詎必太山
根本自仙壇種誰令植幽壤復此依閒冗居然霄漢姿

坐受籬籬墜噪集勸鴉烏炎昏繁蠛蠓未遭伶倫聽非
安子猷寵威鳳來有時虛心豈無奉

訓別致用

風行自委順雲合非有期神哉心相見無昧安得離我
有懇憤志三十無人知修身不言命謀道不擇時達則
濟億兆窮亦濟毫釐濟人無大小誓不空濟私研幾未
淳熟與世忽參差意氣一為累猜仍良已隨昨來竄荆
蠻分與平生墮邪言返為遇獲見心所竒一見肺肝盡

坦然無滯疑感念交契定淚流如斷縻此交定生死非
為論盛衰此契宗會極非謂同路岐君今虎在押我亦
鷹就羈馴養保性命安能奮殊姿玉色深不變井水撓
不移相看各年少未敢深自悲

竹部

石首
縣界

竹部竹山近歲伐竹山竹伐竹歲亦深深林隔深谷朝
朝冰雪行夜夜豺狼宿科首霜斷蓬枯形燒去餘木一
東十餘莖千錢百餘束得錢盈千百得粟盈斗斛歸來

不買食父子分半菽持此欲何為官家歲輸促我來荆
門掾寓食公堂肉豈惟遍妻孥亦以及僮僕分爾有限
資飽我無端腹媿爾不復言爾生何太覺

賽神

楚俗不事事巫風事妖神事妖結妖社不問疎與親年
年十月暮珠稻欲垂新家家不斂獲賽神無富貧殺牛
貫官酒椎鼓集頑民喧闐里閭隘兇酗日夜頻歲暮雪
霜至稻珠隨隴湮吏來官稅迫求質倍稱緡貧者日消

鑠富亦無倉困不謂事神苦自言誠不真岳陽賢刺史
念此為俗屯未可一朝去俾之為等倫粗許存習俗不
得呼黨人但許一日澤不得月與旬吾聞國僑理三年
名乃振巫風燎原久未必憐徒薪我來歌此事非獨歌
政仁此事四鄰有亦欲聞四鄰

競舟

楚俗不愛力費力為競舟買舟俟一競競歛貧者賒年
年四五月蠶實麥小秋積水堰堤壞拔秧蒲稗稠此時

集丁壯習競南畝頭朝飲邨社酒暮椎鄰舍牛祭船如
祭祖習競如習讐連延數十日作業不復憂君侯饌良
吉會客陳膳羞畫鷁四來合大競長江流建標明取舍
勝負死生求一時謹呼罷三月農事休岳陽賢刺史念
此為俗疣習俗難盡去聊用去其尤百船不留一一競
不滯留自為里中戲我亦不寓遊吾聞管仲教沐樹懲
墮遊節此淫競俗得為良政不我來歌此事非獨歌此
州此事數州有亦欲聞數州

茅舍

楚俗不理居居人盡茅舍茅苦竹梁棟茅疎竹仍罅邊
緣隄岸斜詰屈檐楹亞籬落不蔽肩街衢不容駕南風
五月盛時雨不來下竹蠹茅亦乾迎風自焚地防虞集
鄰里巡警勞晝夜遺燼一星然連延禍相嫁號呼憐殺
帛奔走伐桑柘舊架已新焚新茅又初架前日洪州牧
夫韋大念此常嗟訝牧民未及久郡邑紛如化峻邸儼相
望飛甍遠相跨旗亭紅紛泥佛廟青鴛瓦去聲斯事纔未

終斯人久云謝有客自洪來洪民至今藉惜其心太亟

作役

一作後

無容暇臺觀亦已多工徒稍寃咤我欲他郡

長三時務耕稼農收次邑居先室後臺榭啓閉既及期
公私亦相借度材無強略庀役有定價不使及僭差粗
得禦寒夏火至殊陳鄭人安極嵩華誰能繼此名名流
襲蘭麝五袴有前聞斯言我非詐

後湖

荆有泥凜水在荆之邑郭郭前水在後謂之為後湖環

湖十餘里歲積潢與污臭腐魚鼈死不植菰與蒲鄭公

理三載

嚴司
空綬

其理用煦愉歲稔民四至隘屢亦隘衢公

乃署其地為民先矢謨人人儻自為我亦不庀徒下里

得聞之各各相俞俞提攜翁及孫捧戴婦與姑壯者負

礫石老亦捽茅芻斤磨片片雪椎隱連連珠朝餐布庭

落夜宿完戶樞鄰里近相告親戚遠相呼鬻者自為鬻

酤者自為酤雞犬豐中市人民岐下都百年廢滯所一

旦與浩區我實司水土得為官事無人言賤事貴貴直

不貴諛此實公所小安用歌袴襦答云潭及廣以至鄂
與吳萬里盡澤國居人皆墊濡富者不容蓋貧者不庇
軀得不歌此事以我為楷模

八駿圖詩

并序

良馬無世無之然而終不得與八駿並名何也吾
聞八駿日行三萬里夫車行三萬里而無毀輪壞
轆之患盖神車者一作人行三萬里而無喪精褫魄
之患亦神之人也無是三神而得是八馬乃破車

掣御躡人之乘也世焉用之今夫畫古者畫馬而不畫車馭不畫所以乘馬者是不知夫古者也予

因作詩以辯之

穆滿志空闊將行九州野神馭四來歸天與八駿馬龍種無凡性龍行無暫捨朝辭扶桑底暮宿崑崙下鼻息吼春雷蹄聲裂寒瓦尾掉滄波黑汗染白一作浮雲楮華

輶本修密翠蓋尚妍冶御者腕不移乘者寐不假車無輪扁斲轡無王良把雖有萬駿來誰是敢騎者

畫松

張噪畫古松往往得神骨翠帚掃春風枯龍憂寒月流
傳畫師輩竒態盡埋沒纖枝無蕭灑頑榦空突兀乃悟
埃塵心難狀煙霄質我去浙陽山深山看真物

遣興十首

始見梨花房坐對梨花白行看梨花青已復梨花赤嚴
霜九月半危葦幾時客況有高原秋風四來迫

莫厭夏日長莫愁冬日短欲識短復長君看寒又暖城

中百萬家冤哀雜絲管草沒奉誠園軒車昔曾滿

孤竹迸荒園誤與蓬麻列久擁蕭蕭風空長高高節嚴
霜蕩羣穢蓬斷麻亦折獨立轉亭亭心期鳳皇別

豔豔翦紅英團團削翠莖託根在褊淺因依泥滓生中
有合歡藥池枯難遽呈涼宵露華重低徊當月明

晚荷猶展卷早蟬遽蕭嘹露葉行已重況乃江風搖炎
夏火再伏清商暗回飈寄言抱志士日月東西跳

買馬買鋸牙買犢買破車養禽當養鵲種樹先種花人

生負俊健天意與光華莫學蚯蚓輩食泥近土涯

愛直莫愛夸愛疾莫愛斜愛謨莫愛詐愛施莫愛奢擇
才不求備任物不過涯用人如用已理國如理家

燿燿刀刃光彎彎弓面張入水斬犀兕上山

一作推作入山

推虎狼里中無老少喚作癩兒郎一日風雲

一作會橫雨

行一作金歸故鄉

團團規內星未必明如月託迹近北辰周天無淪沒老
人在南極地遠光不發見則壽聖明願照高高闕

河清諒嘉瑞

是歲黃河清

吾帝真聖人時哉不我夢此時為

廢民光陰本跳躑功業勞苦辛一到江陵郡三年成去

塵

野節鞭

神鞭鞭宇宙玉鞭鞭騏驎緊絛野節鞭本用鞭最屬使
君鞭甚長使君馬亦利司馬竝馬行司馬顯賴短鞭
不可施疾步無由致使君駐馬言願以長鞭遺此遺不
尋常此鞭不容易金堅無繳繞玉滑無塵膩青蛇坼生

石不刺山阿地烏龜旋眼斑不染江頭淚長看雷雨痕
未忍駑駘試持用換所持無令等閒棄答云君何竒贈
我君所貴我用亦不凡終身保明義誓以鞭姦頑不以
鞭蹇躑指搗狡兔蹤沒捷怪平龍睡惜令寸寸折節節
不虛墜因作換鞭詩詩成謂同志而我得聞之笑君年
少意安用換長鞭鞭長亦奚為我有鞭尺餘泥拋風雨
漬不擬閒贈行唯將爛誇醉春來信馬頭款緩花前轡
願我遲似學饒君疾如翅

御定全唐詩卷三百九十八

欽定四庫全書

御定全唐詩卷三百九十九

元稹

旱災自咎貽七縣宰

同州時

吾聞上帝心降命明且仁臣稹苟有罪胡不災我身胡
為旱一州禍此千萬人一旱猶可忍其旱亦已頻臘雪
不滿地膏雨不降春惻惻詔書下半減麥與緡半租豈
不薄尚竭力與筋竭力不敢憚慚戴天子恩纍纍婦拜

姑訥訥翁語孫禾黍日夜長足得盈我困還填折粟稅
酬償貫麥鄰苟無公私責飲水不為貧歡言未盈口旱
氣已再振六月天不雨秋孟亦既旬區區昧陋積禱祝
非不勤日馳衰白顏再拜泥甲鱗歸來重思忖願告諸
邑君以彼天道遠豈如人事親團團囹圄中無乃寃不
申擾擾食廩內無乃姦有因軋軋輸送車無乃使不倫
遙遙負擔卒無乃役不均今年無大麥計與珠玉濱邨
胥與里吏無乃求取繁符下斂錢急值官因酒嗔誅求

與捷罰無乃不逡巡生小下里住不曾州縣門訴詞千
萬恨無乃不得聞強豪富酒肉窮獨無芻薪俱由案牘
吏無乃移禍屯官分市井戶迭配水陸珍未蒙所償直
無乃不敢言有一於此事安可尤蒼旻借使漏刑憲得
不虞鬼神自顧頑滯牧坐貽災沴臻上羞朝廷寄下媿
閭里民豈無神明宰為我同苦辛共布慈惠語慰此衢
客塵

蟲豸詩

七篇
并序

天之居物於地也有獸宜山宜穴魚宜水宜泥鳥
宜木宜洲蟲宜草宜腐穢風雨會而寒暑時山川
正而原野平行然後郭閨屋室以州之人之宜人
不得其宜而之鳥獸蟲魚之所宜非蟲魚獸鳥之
罪也然而自非聖賢人失所宜未嘗無不得宜之
歎云始辛卯年予掾荊州之地洲渚濕墊其動物
宜介其毛物宜翅羽予所舍又荊州樹木洲渚處
晝夜常有翅羽百族鬧心不得閒靜因為有鳥二

十章以自達又數年司馬通川郡通之地叢穢卑
褊丞瘴陰鬱啖為蟲蛇備有辛螫蛇之毒百而鼻
蹇者尤之蟲之輩亦百而蟲蠹浮塵蜘蛛蟻子蝮
蝨之類最甚害人其土民具能攻其所毒亦往往
合於方籍不知者毒一作遭輒死予因賦其七蟲為
二十一章別為序以備瑣細之形狀而盡藥石之
所宜庶亦叔敖之意焉

巴蛇

三首
并序

巴之蛇百類其大蟒其毒褰鼻蟒人常不見褰鼻
常遭之毒人則毛髮皆豎起飲谿澗而泥沙盡沸
驗方云攻巨蟒用雄黃煙被其腦則裂而鸚鳥能
食其小者巴無是物其民常用禁術制之尤効

巴蛇千種毒其最鼻褰蛇掉舌翻紅燄盤身噴白花噴
人豎毛髮飲浪沸泥沙欲學叔敖瘞其如多似麻

越嶺南濱海武都西隱一作陷戎雄黃假名石鸚鳥遠難

籠詎有隳腸計應無破腦功巴山晝昏黑妖霧毒濛濛

漢帝斬蛇劍晉時燒上天自茲繁巨蟒往往壽千年白
晝遮長道青溪蒸毒煙戰龍蒼海外平地血浮船

蝮蜂

三首
并序

蝮蜂類而大巢在褰鼻蛇穴下故毒螫倍諸蓬蠱
中手足輒斷落及心胸則圯裂用他蜂中人之方
療之不能愈巴人往往持禁以制之則差

巴蛇蟠窟穴穴下有巢蜂近樹禽垂翅依原獸絕蹤微
遭斷手足厚毒破心胃昔甚招魂句那知眼自逢

梨笑清都月

京都開元觀
多梨花蟲

蜂游紫殿春構脾分部伍嚼

恣奉君親翅羽頗同類心神固異倫安知人世裏不有
噬人人

蘭蕙本同畹蜂蛇亦雜居害心俱毒螫妖蝮兩吹噓雷
螫吞噬止枯焚巢穴除可憐相濟惡勿謂禍無餘

蜘蛛

三首
并序

巴蜘蛛大而毒其甚者身邊數寸而跼長數倍其
身網羅竹柏盡死中人瘡疥溼且痛癢倍常用

雄黃苦酒塗所啣仍用鼠婦蟲食其絲盡輒愈療
不速絲及心而療不及矣

蜘蛛天下足巴蜀就中多縫隙容長跣虛空織橫羅縈
纏傷竹柏吞噬及蟲蛾為送佳人喜珠櫛無柰何

網密將求食絲斜誤著人因依方紀

一作託

緒挂胃遂容

身截道蟬冠礙漫天玉露頻兒童憐小巧漸欲及車輪
稚子憐圓網佳人祝喜絲那知緣暗隙忽被啣柔肌毒
腠攻猶易焚心療恐遲看看長袂緒和扁欲連而

蟻子

三首
并序

巴蟻衆而善攻，櫟棟往往木容完具而心節朽壞。
屋居者不省其微而禍成傾壓。

蟻子生無處，偏因溼處生。陰靈煩擾攘，拾粒苦嚙諍。

平聲

牀上主人病耳中，虛藏鳴雷震。翻不省聞汝作牛聲。

時衍功雖細，年深禍亦成。攻穿漏江海，啗食困蛟鯨。敢
憚椽櫟蠹，深藏柱石傾。寄言持重者，微物莫全輕。

攘攘終朝見，悠悠卒歲疑。詎能分牝牡，焉得有蟻蚳。

蟻卵

徒市竟何意生涯都幾時
巢由或逢我應似我相期

蝮子

三首
并序

蝮蚊類也其實黑而小不礙紗縠夜伏而晝飛聞
柏煙與麝香輒去蚊蝮與浮塵皆巴蛇鱗中之細
蟲耳故嚙人成瘡秋夏不愈膏楸葉而傅之則差

蝮子微於蚋朝繁夜則無毫端生羽翼針喙嗜肌膚暗
毒應難免羸形日漸枯將身遠相就不敢恨非辜

晦景權藏毒明時敢噬人不勞生詬怒祇足助酸辛隼

皆看無物蛇軀庇有鱗天方芻狗我甘與爾相親
有口深堪異趨時詎可量誰令通鼻息何故辨馨香沉
水來滄海崇蘭泛露光那能枉焚爇爾衆我微茫

浮塵子

三首
并序

浮塵螻類也其實微不可見與塵相浮而上下人
苦之往往蒙絮衣自蔽而浮塵輒能通透及人肌
膚亦巢巴蛇鱗中故攻之用前術

可歎浮塵子纖埃喻此微寧論隔紗幌并解透綿衣有

毒能成疔無聲不見飛病來雙眼暗何計辨雰霏

乍可巢蚊睫胡為附蟒鱗已微於蠹蠹仍害及仁人

一作

人動植皆分命毫芒亦是身哀哉此幽物生死敵浮塵
但覺皮膚憊安知瑣細來因風吹薄霧向日誤輕埃暗
齧堪鉤骨潛飛有禍胎然無防備處留待雪霜摧

蝨

三首
并序

巴山谷間春秋常雨自五六月至八九月雨則多
蝨道路羣飛噬牛馬血及蹄角旦暮尤極繁多人

常用日中時趣程速雪霜而後盡其嚙人痛劇浮
蟻而不能毒留肌故無療術

陰深山有瘴溼墊草多蝨衆噬錐刀毒羣飛風雨聲汗
粘瘡痂痛日曝苦辛行飽爾蛆殘腹安知天地情

千山溪沸石六月火燒雲自顧生無類那堪毒有羣搏
牛皮若截噬馬血成文蹄角尚如此肌膚安可云

辛螫終非久炎涼本遞興秋風自天落夏蘂與霜澄一
鏡開潭面千鋒露石稜氣平蟲豸死雲路好攀登

楚歌十首

江陵
時作

楚人千萬戶生死繫時君當璧便為嗣賢愚安可分干
戈長浩浩篡亂亦紛紛縱有明在下區區何足云

陶虞事已遠尼父獨將明潛穴龍無位幽林蘭自生楚
王謀授邑此意復中傾未別子西語縱來何所成

平王漸昏惑無極轉承息子建猶相貳伍奢安得存生
居宮雉悶死莫寢園尊豈料奔吳士鞭屍郢市門

懼盈因鄧曼罷獵為樊姬盛德留金石清風鑿薄帷襄

王忽妖夢宋玉復淫辭萬事指宮館空山雲雨期

宜僚南市住未省食人恩臨難忽相感解紛寧用言何
如晉夷甫坐占紫微垣看著五胡亂清談空自尊

誰恃王深寵誰為楚上卿包胥心獨許連夜哭秦兵千
乘徒虛爾一夫安可輕殷勤聘名士莫但倚方城

梁業碓圖畫遺孫世運消宣明徒有號江漢不相朝碑
碣高臨路松枝半作樵唯餘開聖寺猶學武皇妖

江陵南北道長有遠人來死別登舟去生心上馬迴榮

枯誠異日今古盡同灰巫峽朝雲起荆王安在哉
三峽連天水奔波萬里來風濤各自急前後苦相推倒
入黃牛漩驚衝豔瀕堆古今流不盡流去不曾迴
八荒同日月萬古共山川生死既由命興衰還付天棲
棲王粲賦憤憤屈平篇各自埋幽恨江流終宛然

襄陽道

羊公名漸遠唯有峴山碑近日稱難繼曹王任馬羹椒
蘭俱下世城郭到今時漢水清如玉流來本為誰

賦得魚登龍門

用登字

魚貫終何益龍門在昔登有成當

一作有時常

作雨無用恥

為鴉激浪誠難泝雄心亦自憑

一作無亦憑

風雲

一作雷

潛會

合鬢鬣忽騰凌泥滓辭河濁煙霄見海澄迴瞻順流輩

誰敢望同升

貞元

一作永貞 是歲秋八月太上改元永貞傳位今皇帝

象魏纔頌歷龍鑣已御天猶看後元歷新署永貞年半

歲光陰在三朝禮數遷無因書簡冊空得詠詩篇

塞馬

塞馬倦江渚今朝神彩生
曉風寒獵獵乍得草頭行
夷狄寢烽候關河無戰聲
何由當陣面從爾四蹄輕

鹿角鎮

洞庭湖
中地名

去年湖水滿此地覆行舟
萬怪吹高浪千人死亂流
誰能問帝子何事寵陽侯
漸恐鯨鯢大波濤及九州

感事三首


此後並是
學士時作

為國謀羊舌從來不為身
此心長自保終不學張陳

自笑心何劣區區辨所寃伯仁雖到死終不向人言
富貴年皆長風塵舊轉稀白頭方見絕遙為一雷夜

題翰林東閣前小松

蒼礪修鱗亞霜侵簇翠黃唯餘入琴韻終待舜弦張



御定全唐詩卷三百九十九

欽定四庫全書

集部
御定全唐詩卷
四百至
四百三

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官學正臣李巖

騰錄監生臣李維翰

欽定四庫全書

御定全唐詩卷四百

元稹

清都夜境

自此至秋夕並年
十六至十八時詩

夜久連觀靜斜月何晶熒
寥天如碧玉歷歷綴華星
樓榭自陰暎雲牖深冥冥
纖埃悄不起玉砌寒光清
棲鶴露微影枯松多怪形
南廂儼容衛音響如可聆
啓聖發空洞朝真趨廣庭
閒開紫珠殿暗閱金字經
屏氣動方

萬一作息凝神心自靈悠悠車馬上浩思安得寧

春晚寄楊十二兼呈趙八

時楊生館於趙氏

蒙蒙竹樹深簾牖多清陰避日坐林影餘花委芳襟傾
尊就殘酌舒卷續微吟空際颺高蝶風中聆素琴廣庭
備幽趣復對高山岑獨此愛時景曠懷雲外心遷鷺戀
嘉木求友多好音自無琅玕實安得蓮花簪寄之二君
子希見雙南金

與楊十二李三早入永壽寺看牡丹

曉入白蓮宮琉璃花界淨開敷多喻草凌亂被幽徑壓
砌錦地鋪當霞日輪映蝶舞香暫飄蠶牽蕊難正籠處
彩雲合露湛紅珠瑩結葉影自交搖風光不定繁華有
時節安得保全盛色見盡浮榮布君了真性

春餘遣興

春去日漸遲空庭草偏長餘英間初實雪絮繁蛛網好
鳥多息陰新萱已成響簾開斜照入樹裏游絲上絕跡
念物閒良時契心賞單衣頗新綽虛室復清敞置酒奉

親賓樹萱自怡養笑倚連枝花
菘扶瑞藤杖步履恣優
游望山多氣象雲葉遙卷舒風裾
一作動蕭爽簪纓固
煩雜江海徒浩蕩野馬籠赤霄
無由負羈鞅

憶雲之

為魚實愛泉食辛寧避蓼人生既相合不復論窈窕
滄海良有窮白日非長皎何事一一作二人心各在四方表
泛若逐水萍居為附松蒿流浪隨所之縈紆牽所繞百
齡頗弱促況復迷壽夭芟髮君已衰冠歲予非小娛樂

不及時暮年壯心少感此幽念綿遂為長悄悄中庭草
木春歷亂遞相擾竒樹花冥冥竹竿鳳裊裊幽芳被蘭
徑安得寄天杪萬里瀟湘魂夜夜南枝鳥

別李三

階萸附瑤砌藜蘭偶芳藿高位良有依幽姿亦相託鮑
叔知我貧烹葵不為薄半面契始終千金比然諾人生
繫時命安得無苦樂但感遊子顏又值餘英落蒼蒼秦
樹雲去去緱山鶴日暮分手歸楊花滿城郭

秋夕遠懷

旦夕天氣爽，風飄葉漸輕。
星繁河漢白，露逼衾枕清。
丹鳥月中滅，莎雞牀下鳴。
悠悠此懷抱，況復多遠情。

東西道

天皇開四極，便有東西道。
萬古閱行人，行人幾人老。
顧我倦行者，息陰何不早。
少壯塵事多，那言壯年好。

分流水

古時愁別淚，滴作分流水。
日夜東西流，分流幾千里。
通

塞雨不見波瀾各自起與君相背飛去去心如比

西還

悠悠洛陽夢鬱鬱灞陵樹落日正西歸逢君又東去

含風夕

此後拾遺時作

炎昏勸煩久逮此含風夕夏服稍輕清秋堂已岑寂載
欣涼宇曠復念佳辰擲絡繹驚歲功顧我何成績青熒
徹月鉤幽暉洞陰魄水鏡涵玉輪若見淵泉璧參差簾
牖重次第籠虛白樹影滿空牀螢光綴深壁悵望牽牛

一作牛斗星復為經年隔露網裏風珠輕河泛遙碧詎無深

秋夜

一作
桐景

感此乍

一作
年

流易亦有遲暮年壯年良自惜

猶環切中腸感念

一作
今

追往昔接瞬無停陰何言問陳

積馨香推蕙蘭堅貞諭松柏生物固有涯安能比金石
況茲百齡內擾擾紛衆役日月東西馳飛車無留跡來
者良未窮去矣定奚適嗚呼在物為營營復何益

秋堂夕

炎涼正迴互金火鬱相乘雲雷時交構川澤方蒸騰清

風一朝勝白露忽已疑草木凡氣盡始見天地澄況此
秋堂夕幽懷曠無朋蕭條簾外雨倏閃案前燈書卷滿
牀席蠨蛸懸復升啼兒屢啞咽勸僮時寢興泛覽昏夜
目詠謠暢煩膺況吟獲麟章欲罷久不能堯舜事已遠
聖道安可勝蜉蝣不信鶴蜩鴉肯窺鵬當年且不偶沒
世何必稱胡為揭見聞衰賤貽愛憎焉用汨其泥豈在
清如水非白又非黑誰能點青蠅處世苟無悶佯狂道
非弘無言被人覺予亦笑孫登

酬樂天

時樂天攝尉
予為拾遺

放鶴在深水置魚在高枝升沉或異勢同謂非所宜君
為邑中吏皎皎驚鳳姿顧我何為者翻侍白玉墀昔作
芸香侶三載不暫離逮茲忽相失旦夕夢魂思崔嵬驪
山頂宮樹遙參差祇得兩相望不得長相隨多君歲寒
意裁作秋興詩上言風塵苦下言時節移官家事拘束
安得攜手期願為雲與雨會合天之垂

楊子華畫三首

楊畫遠於展何言今在茲依然古妝服但感時節移念
君一朝意遺我千載思子亦幾時客安能長苦悲

皓腕卷紅袖錦鞬臂蒼鴉故人斷弦心稚齒從禽樂當
年惜貴遊遺形寄丹雘骨象或依稀鉛華已寥落似對
古人民無復昔城郭子亦觀病身色空俱寂寞

顛倒世人心紛紛乏公是真賞

一作貴

畫不成畫賞真相

似丹青各所尚工拙何足恃求此妄中精

一作情

嗟哉子

華子

西州院

東川
官舍

自入西州院唯見東川城
今夜城頭月非暗又非明文
案牘席滿卷舒賦罪名慘悽
且煩勸棄之階下行悵望
天迴轉動搖萬里情參辰次第出
牛女顛倒傾況此風
中柳枝條千萬莖到來籬下荀亦已
長短生感愴正多
緒鴉鷄相喚驚牆上杜鵑鳥又作思歸鳴
以彼撩亂思
吟為幽怨聲吟罷終不寢
萋萋復鏘鏘

臺中鞠獄憶開元
觀舊事呈損之兼贈周兄四

十韻

憶在開元館食柏練玉顏疎慵日高卧自謂輕人寰李
生隔牆住隔牆如隔山怪我久不識先來問驕頑十過
乃一往遂成相往還以我文章卷文章甚編爛因言辛
庾輩亦願放羸孱既迴數子顧展轉相連攀驅令選科
目若在闈與闈學隨塵土墜漫數公卿闕唯恐壞情性
安能懼謗訕還招辛庾李靜處杯巡環進取果由命不
由趨險艱穿楊二三子弓矢次第彎推我亦上道再聯

朝士班二月除御史三月使巴蠻蠻民詎

竹感切

諭訖齒

指明痛瘵憐蠻不解語為發昏帥姦歸來五六月旱色

天地殷分司別兄弟各各淚潸潸哀哉劇部職唯數賦

罪鉞死款依稀取鬪辭方便刑道心常自媿柔髮難久

黜折支望車乘支痛誰置患竒哉乳臭兒緋紫裯被問

漸大官漸貴漸富心漸慳鬧裝轡頭觸靜拭腰帶斑鷄

子繡線鞞狗兒金油去聲鑲香湯洗驄馬翠篔籠白鷗月

請公王封

一作奉

冰求天子頒開筵試歌舞別宅寵妖嫺

坐臥摩綿一作錦褥捧擁綏絲髮旦夕不相離比翼若飛

鸞而我亦何苦三十身已繲愁吟心骨顛寒卧支體瘳

五閑切又渠云切居處雖幽靜尤悔少愉憫不如周道士鶴嶺

臨鐘灣繞院松瑟瑟通畦水潺潺陽坡自尋蔭邨治看
漚管窮通兩未遂營營真老閒

韋氏館與周隱客杜歸和泛舟

天色低澹澹池光漫油油輕舟閒繳繞不遠池上樓時
物欣外獎真元隨內修神怡津藏滿氣委支節柔衆處

豈自異曠懷誰我儔風車籠野馬八荒安足遊開顏陸
渾杜握手靈都周持君寶珠贈頂戴頭上頭

劉氏館集隱客歸和子元及之子蒙晦之

溼墊緣竹徑寥落護岸冰偶然沽市酒不越四五升詩
客愛時景道人話升騰笑言各有趣悠哉古孫登

寄隱客

我年三十二鬢有八九絲非無官次第其如身早衰今
人夸貴富肉食與妖姬而我俱不樂貴富亦何為況逢

多士朝賢俊若布棊班行次第立朱紫相參差謨猷密
勿進羽檄縱橫馳監察官甚小發言無所裨小官仍不
了譴奪亦已隨時或不之棄得不自棄之陶君喜不遇
顧我復何疑潛書周隱士白雲今有期

元和五年予官不了罰俸西歸三月六日至陝
府與吳十一兄端公崔二十二院長思愴曩遊
因投五十韻

小年閒愛春認得春風意未有花草時先醜曉窗睡霞

朝澹雲色霽景牽詩思漸到柳枝頭川光始明媚長安
車馬客傾心奉權貴晝夜塵土中那言早春至此時我
獨遊我遊有倫次閒行曲江岸便宿慈恩寺扣林引寒
龜疏叢出幽翠凌晨過杏園曉露凝芳氣初陽好明淨
嫩樹憐低庫排房似綴珠欲啼紅臉淚新鶯語嬌小淺
水光流利冷飲空腹杯因成日高醉酒醒聞飯鐘隨僧
受遺施餐罷還復遊過從上文記行逢二月半始足遊
春騎是時春已老我遊亦云既藤開九華觀草結三條

隧新筍踴犀株落梅翻蝶翅名倡繡轂車公子青絲轡
朝士還旬休豪家得春賜提攜好音樂翦鏹空田地同
占杏花園喧闐各叢萃顧予煩寢興復往散顛顛倦僕
色肌羸寒驢行跛痺春衫未成就冬服漸塵膩傾蓋吟
短章書空憶難字遙聞公主笑近被王孫戲邀我上華
筵橫頭坐賓位那知我年少深解酒中事能唱犯聲歌
偏精變籌義含詞待一作徒殘拍促舞逸繁吹叫噪擲投
盤生獐攝觥使逡巡光景晏散亂東西異古觀閉閒門

依然復幽悶無端矯情性漫學求科試薄藝何足云虛
名偶頻遂拾遺天子前密奏升平議名見不須史愴庸
已猜忌朝陪香案班暮作風塵尉去歲又登朝登為柏
臺吏臺官相束縛不許放情志寓直勞送迎上堂煩避
諱分司在東洛所職尤不易罰俸得西歸心知受朝庇
常山攻小寇淮右擇良帥國難身不行勞生欲何為吾
兄諳性靈崔子同臭味投此挂冠詞一生還自恣

御定全唐詩卷四百

欽定四庫全書

御定全唐詩卷四百一

元稹

寄吳士矩端公五十韻

此後並江陵士曹時作

昔在鳳翔日十歲即相識
未有好文章逢人賞顏色可

憐何郎面

吳生小字何郎

二十纔冠飾短髮予近梳羅衫紫蟬

翼伯舅各驕縱仁兄未摧抑
事業若杯盤詩書甚徽纒
西州戎馬地賢豪事雄特
百萬時可贏十千良易借寒

食桐陰下春風柳林側藉草送遠遊列筵酬博塞萎蕤
雲幕翠燦爛紅茵施膾縷輕似絲香醅膩如職一作織將

軍頻下城佳人盡傾國媚語嬌不聞纖腰軟無力歌詞

妙宛轉舞態能刻刻箏弦玉指調粉汗紅綃拭予時最

年少專務酒中職未能解一作媿生擗偏矜任狂直曲庇

桃根盞橫講指雲式亂布鬪分明惟新間讒罵恥作最

先吐羞言未朝食醉眼漸紛紛酒聲頻餒餒愛墨切扣節

參差亂飛觥往來織強起相維持翻成兩匊匊邊霜颯

然降戰馬鳴不息但喜秋光麗誰憂塞雲黑常隨獵騎
走多在豪家匿夜飲天既明朝歌日還晁荒狂歲云久
名利心潛逼時輩多得途親朋屢相救間因適農野忽
復愛稼穡平生中聖人翻然腐腸賊亦從酒仙去便被
書魔惑脫跡壯士場甘心豎儒域矜持翠筠管敲斷黃
金勒屢益蘭膏燈猶研兔枝墨崎嶇來掉蕩矯枉事沈
默隱笑甚艱難飲容還劣削與君始分散勉我勞修飾
岐路各營營別離長惻惻行看二十載萬事紛一作何

極相值或須臾安能洞曾臆昨來陝郊

一作知

會悲歡兩

難克問我新相知但報長相憶豈無新知者不及小相
得亦有生歲游同年不同德為別詎幾時伊予墜溝洫
大江鼓風浪遠道參荆棘往事返無期前途浩難測一
旦得自由相求北山北

三月二十四日宿曾峰館夜對桐花寄樂天

微月照桐花月微花漠漠怨澹不勝情低回拂簾幕葉
新陰影細露重枝條弱夜久春恨多風清暗香薄是夕

遠思君思君瘦如削但感事睽違非言官好惡奏書金
鑾殿步履青龍閣我在山館中滿地桐花落

酬樂天書懷見寄

本題云初與微之別後忽夢見之及寤而微之書至兼覽

桐花之什悵然書懷此
後五章竝次用本韻

新昌北門外與君從此分街衢走車馬塵上不見君君
為分手歸我行行不息我上秦嶺南君直樞星北秦嶺
高崔嵬高山好顏色月照山館花裁詩寄相憶天明作
詩罷草草隨所如憑人寄將去三月無報書荊州白日

晚城上鼓鼙行逢賀州牧致書三四封封題樂天字
未圻已霑裳圻書八九讀浹落千萬行中有酬我詩句
句截我腸仍云得詩夜夢我魂淒涼終言作詩處上直
金鑿東詩書費一夕萬恨絨其中中宵宮中出復見宮
月斜書罷月亦落曉燈隨暗花想君書罷時南望勞所
思況我江上立吟君懷我詩懷我浩無極江水秋正深
清見萬丈底照我平生心感君求友什因報壯士吟持
謝衆人口銷盡猶是金

酬樂天登樂遊園見憶

昔君樂遊園，悵望天欲曛。今我大江上，悵意波翻雲。秋
空壓澶漫，瀕洞無垢氛。四顧皆豁達，我眉今日伸。長安
隘朝市，百道走埃塵。軒車隨對列，骨肉非本親。誇遊丞
相第，偷入常侍門。愛君直如髮，勿念江湖人。

酬樂天早夏見懷

庭抽有垂實，燕巢無宿雛。我亦辭社燕，茫茫焉所如。君
詩夏方早，我歎秋已徂。食物風土異，衾裯時節殊。荒草

滿田地近移江上居
八日復切九月明侵半除

酬樂天勸醉

神麴清濁酒牡丹深淺花
少年欲相飲此樂何可涯沈

機造神境不必悟楞伽

一作加

酡顏返童貌安用成丹砂

劉伶稱酒德所稱良未多
願君聽此曲我為盡稱嗟一

杯顏色好十盞膽氣加
半酣得自恣酡酊歸太和共醉

真可樂飛觥撩亂歌
獨醉亦有趣兀然無與他美人醉

燈下左右流橫波
王孫醉牀上顛倒眠綺羅君今勸我

醉勸醉意如何

和樂天初授戶曹喜而言志

王爵無細大得請即為恩君求戶曹掾貴以祿奉親聞
君得所請感我欲霑巾今人重軒冕所重華與紛矜誇
仕臺閣奔走無朝昏君衣不盈篋君食不滿囷君言養
既薄何以榮我門披誠再三請天子憐儉貧詞曹直文
苑捧詔榮且忻歸來高堂上兄弟羅酒尊各稱千萬壽
共飲三四巡我實知君者千里能具陳感君求祿意求

祿殊衆人上以奉顏色餘以及親賓棄名不棄實謀養
不謀身可憐白華士永願凌青雲

和樂天贈吳丹

不識吳生面久知吳生道跡雖染世名心本奉天老雌
一守命門迴九填血腦委氣榮衛和咽津顏色好傳聞
共甲子哀墮盡枯槁獨有冰雪容纖華奪鮮縞問人何
能爾吳實曠懷抱弁冕徒挂身身外非所寶伊予固童
昧希真亦云早石壇玉晨尊晝夜長自埽密印視丹田

遊神夢三島萬過黃庭經一食青精稻冥搜方朔桃結
念安期棗綠髮幸未改丹誠自能保行當擺塵纓吳門
事探討君為先此詞終期搴瑶草

和樂天秋題曲江

十載定交契七年鎮相隨長安最多處多是曲江池梅
杏春尚小芰荷秋已衰共愛寥落境相將偏此時絲絲
紅蓼水颺颺白鷺鷺詩句偶未得酒杯聊久持今來雲
雨曠舊賞魂夢知況乃江楓夕和君秋興詩

和樂天別弟後月夜作

聞君別愛弟，明天照夜寒。
秋雁拂檐影，曉琴當砌彈。
悵望天澹澹，因思路漫漫。
吟為別弟操，聞者為辛酸。
況我兄弟遠，一身形影單。
江波浩無極，但見時歲闌。

和樂天秋題牡丹叢

敝宅豔山卉，別來長歎息。
吟君晚叢詠，似見摧墮色。
欲識別後容，勤過晚叢側。

春月

春月雖至明終有靄靄光不似秋冬色逼人寒帶霜纖
粉澹虛僻輕煙籠半牀分暉間林影餘照上虹梁病久
塵事隔夜間清興長擁抱顛倒領步履東西廂風柳結

柔援

一作
援

露梅飄暗香雪含櫻綻蕊珠感桃綴房杳杳

有餘思行行安可忘四鄰非舊識無以話中腸南有居
士儼默坐調心王歎闕一問訊為我披衣裳延我入深
竹暖我於小堂視身琉璃瑩諭指芭蕉黃復有比丘隘
早傳龍樹方口中祕丹設肘後懸青囊錫杖雖獨振刀

主期共嘗未知仙近遠已覺神輕翔夜久魂耿耿月明
露蒼蒼悲哉沈眠士寧見茲夕良

月臨花

臨
花

臨風颺花透影朧朧月巫峽隔波雲姑峰漏霞雪鏡
勻嬌面粉燈泛高籠纈夜久清露多啼珠墜還結

紅芍藥

芍藥綻紅綃已籬織青瑣繁絲壓金葉高燄當爐火翦
刻彤雲片開張赤霞裏煙輕琉璃葉風亞珊瑚朶受露

色低迷向人嬌
婀娜酡顏醉後泣

一作泣

小女妝成坐豔

豔錦不如天天桃
未可晴霞畏欲散
晚日愁將墮結植
本為誰賞心期在
我采之諒多思幽
贈何由果

送王十一南行

夏水漾天末晚暘依岸

一作暎

邨風調

一作翻

烏尾勁眷戀

餘芳尊解袂方瞬息
征帆已翩翩江豚湧
高浪楓樹揺去魂遠
戎宗侶泊暮煙洲渚
昏離心詎幾許驟若
移寒温此別信非久
胡為坐憂煩我留石
難轉君泛雲無根

萬里湖南月三聲山上猿從茲耿幽夢夜夜湘與沅

三歎

孤劒鋒刃澀猶能神彩生有時雷雨過暗吼闐闐聲主
人閱靈寶畏作升天行淬礪當陽鐵刻為干鏤名遠求
鵬鵜瑩同用玉匣盛顏色縱相類利鈍頗相傾雄為光
電雌唯但深泓澄龍怒有奇變青蛇終不驚

仙鳳翠皇死葳蕤光彩低非無鴛鴦侶誓不同樹棲飛
馳歲云暮感念雖在泥顧影不自暖寄爾蟠桃雞馴養

豈無媿類族安得齊願言成羽翼奮翅凌丹梯
天驥失龍偶三年常夜嘶哀緣噴風斷渴且含霜啼長
恐絕遺類不復躡雲霓非無駟駟者鶴意不在雞春來
筋骨瘦弔影心亦迷自此溼注種應生濁水泥

遣書

密竹有清陰曠懷無塵滓況乃秋日光玲瓏曉窗裏句
休聊自適今辰日高起擲沐坐前軒風輕鏡如水開卷
恣詠謠望雲間徒倚新菊媚鮮妍短萍憐霍靡埽除田

地靜摘掇園蔬美幽翫愜詩流空堂稱居士客來傷寂寞我念遺煩鄙心跡兩相忘誰能驗行止

冬夜懷李侍御王太祝段丞

浩露煙濛盡月光閒有餘松篁細陰影重以簾牖疎泛
覽星粲粲輕河悠碧虛纖雲不成葉脈脈風絲舒丹竈
熾東序燒香羅玉書飄飄魂神舉若驂鸞鶴輿感念夙
昔意華尚簪與裾簪裾詎幾許累創吞鉤魚今聞馨香
道一以悟臭智悟覺誓不惑永抱胎仙居晝夜攸所適

安知歲云除行行二三友君懷復何如

西齋小松二首

松樹短於我清風亦已多
況乃枝上雪動搖微月波
幽姿得閒地詎感歲蹉跎
但恐屢終構藉君當柰何

簇簇枝新黃纖纖攢素指
柔苙漸依條短莎還半委
清風日夜高凌雲意一作竟
何已千歲盤老龍修鱗自茲始

周先生

寥寥空山岑冷冷風松林
流月垂鱗光懸泉揚高音希

夷周先生燒香調琴心神力盈三千誰能還黃金